



**Antoninus Diana Panormitanus, Clericus Regularis, Doctor  
Celeberrimus, Coram S. D. N. Alexandro VII. Episcoporum  
Examinator, & Sancti Officij Regni Siciliae Consultor,  
Coordinatus, Seu Omnes ...**

**Diana, Antonino**

**Lugduni, M. DC. LXXX.**

86. An Regulares possint Ordinari ab Episcopis extra tempora à iure  
statuta? Ex p. 3. tr. 2. res. 31. p. 311.

---

[urn:nbn:de:hbz:466:1-76405](https://nbn-resolving.org/urn:nbn:de:hbz:466:1-76405)



nimis generalibus concessio, dubitari posset; nihilominus Iulius II. *privil.* 19. num. 7. omnem profusum sustulit dubitationem, concedendo dictis Abbatibus Ordinis Cisterciensis illam potestatem *his verbis*; Nec non Novitios, & alios quoscunque dicti Monasterij subditos, prout, poterant prefati perpetuo Abbates clericali caractere insigniendi. Vbi Suar. *proximè citatus num. 2. §.* per Clericalem characterem intelligit quatuor minores vltra tonsuram, & ita Praxis habet etiam apud Fratres Congregat. Fulien. eiusdem Ordinis Cisterciensis, quam etiam facultatem concessit idem Iulius Congregationi Melitanae referente Compendio privilegiorum illius Congregationis, *privil.* 13. fol. 10. Et Eugenius IV. Congregationi S. Iustinae, vt haberet in Compend. *privil.* Montis Oletii *privil.* 50. & §. 1. & à Leone X. Camaldulensibus eandem etiam facultatem factam notat Martell. à S. Bened. in *Compend. privil.* Fulien. *verb. Abbas num. 2.* Et denique Clemens VIII. privilegia Camaldulensium confirmando declaravit, & de nouo concessit eorundem Abbatibus, etiam non benedictis, & Prioribus similiter quod possint Ordines Minores conferre suis subditis Regularibus. Sub data die 3. Augusti 1594. Sic Archan. Roman. *de privileg. verb. Abbas.*

14. Et denique id etiam declaravit Sacra Congreg. Tridentini, referente Barbosa in *Collectan. verb. Ordo*, die 16. Febr. 1610. affirmatque de iure id posse, licet non sint benedicti, sed tantum triennales. Sic etiam tenet Tamburin. *de iure Abbat. quest.* 3. Et idem resolutum fuisse 1619. refert Archan. Rom. *de privil. lib. verb. Ordines* Et quamvis ferè hæc omnes concessiones non loquantur, nisi de subditis, attamen à Doctoribus extenduntur ad non subditos cum circumstantiis in præcedentibus appositis; Ratio est, quoniam si Prælati huiusmodi privilegii, prærogatiuis, &c. sicut benedicti gaudent, & benedicti hoc iure potantur, sine dubio hi etiam illo gaudebunt.

15. Quartò, Quod videtur satis probabile, quod Abbates benedicti, qui participant in omnibus privilegiis cum Abbate Cisterciensi, & quatuor Abbatibus principalibus eiusdem Ordinis, possunt conferre Subdiaconatus, & Diaconatus Ordines, iis, quibus possunt Tonsuram, & Minores conferre.

16. Quod Abbas Cisterciensis, & quatuor primi Abbates illius Ordinis sint hoc privilegio decorati, ostendit vsus, & concessio Innoc. VIII. Bulla, quæ incipit, *Exposcit tuæ deuotionis* &c. in qua hæc verba ad dictos Abbates directa habentur; At ne Monachi dicti Ordinis pro suspiciendis Diaconatus, & Subdiaconatus Ordinibus extra Claustrum hinc inde discurrere cogantur, tibi, & successoribus tuis, vt quibuscumque dicti Ordinis Monachis, aliis verò quatuor Abbatibus prefatis, ac eorum successoribus, vt suorum Monasteriorum prædictorum Religiosis, quos ad id idoneos repereritis, Subdiaconatus, & Diaconatus Ordines huiusmodi, aliàs ritè conferre liberè, & licitè possitis, auctoritate Apost. & ex certa scientia tenore præsentium de speciali dono gratiæ indulgemus. Quibus constat hæc facultatem expressè illis impartiri.

17. Obiicies. Trident. *sess.* 23. *cap.* 10. dictis Abbatibus solum dat facultatè conferendi Tonsuram, & Quatuor Minores, & *cap.* 12. vult vt Episcopus examinet Regulares præsentatos ad sacros Ordines suscipiendos ad probandum si digni sunt, cum clausula reuocatoria *privil.* Regularium. Respondetur, quòd in locis, in quibus Trident. non est receptum nulla est super hoc difficultas, vt de Gallia affirmat Tambur. *tom. 2. de iure Abbat. disp.* 2. *quest.* 5. vbi ap-

probat vsus illius privilegij in dictis Abbatibus, ex eo quod illorum Abbatia in Gallia sunt sitæ, licet existiment hoc privilegium per Tridentinum esse reuocatum. Vbi verò Tridentinum viget, dubium oritur si clausula illius Concilij reuocet hoc privilegium: Probauimus autem in 1. tract. hæc clausulam non sufficere, quod etiam in hac speciali materia cenfer Nauarr. *conf.* 13. *de privil.* cum asserit: Illam clausulam non esse ita expressam, quin illius coniecturæ dissolui possint, ac proinde, cum sit dubium de reuocatione illius privilegij, stat privilegium in suo robore, vt alibi diximus, & probauimus dicto tract. Denique post Trident. illud privilegium fuit confirmatum, vt inferius dicitur, quod videtur omne dubium profus tollere, ac propterea asserendum posse dictos Abbates illo vti, non solum erga Regulares, & sæculares subditos; sed etiam erga non subditos, sicut de Minoribus Ordinibus superius ostendimus, cum sit in vtriusque par ratio.

18. Quibus sic stantibus, insuper probatur propositio; quoniam vt alibi probauimus, privilegia communicantium cum illo ordine confirmata sunt; ergo sunt in suo firmitate robore; ergo Abbates communicantes possunt illa facultate vti. Ac sic tenet Ioannes de la Cruz *de Statu Relig. cap.* 8. *dub.* 1. *conclus.* 1. *sub finem*; & alij, qui, vt videbimus infra, subsistent in reliquis prædictæ Bullæ, *Exposcit*, participare: Cur enim potius in vno, quàm in alio participant; Non potest assignari ratio sufficiens, Imò cum sit eadem ratio in his, ac in illis, debent in omnibus privilegijs participare, & non ab huius communicatione excludi. Nec dicas hoc privilegium concessum fuisse ob specialem notam Abbatum, aut Abbatiarum huiusmodi, quæ non reperitur in cæteris; Nam respondetur illam notam in eisdem reperiri, vt videre est in mortuo, quo Innocentius ad illud concedendum impulsus fuit, quod constat partim ex verbis privilegij superius insertis, partim ex iis, quæ in principio Bullæ in qua emanauit, continentur, talia sunt. *Exposcit tuæ deuotionis sinceritas, & Religionis promeretur honestas, vt tam te, &c.* Et quamvis hæc nota in illis non inueniatur, valeat pro eisdem Abbatibus, cum æquè principaliter in hoc privilegio, sicut in aliis communicent: verum cum vsus illius facultatis non vigeat in proximè dictis Abbatibus, non audeo hoc privilegium illis absolute concedere, licet non habeam pro contraria sententia rationem, qua ei assentiri cogar; quo circa meum iudicium doctorum iudicio submitto. Hæc omnia P. Bruno vbi supra.

Sed aduersus prædicta extat Decretum Sacræ Congregationis Concilij auditis Regularibus, quod ego appolui per extensum in *part.* 7. *tract.* 11. *ref.* 42. factò verbo cum Sanctissimo; Et idèd hodie nimis temerarium esset sententiam Brunii defendere.

Quæ hic est supra Ref. 80.

RESOL. LXXXVI.

*An Regulares possint ordinari ab Episcopis extra tempora à iure statuta? Ex p. 3. tract. 2. Refol. 31.*

Pro omni contento in hæc Ref. supra in Ref. 84. latè à §. Difficultas. & in Ref. 85. §. Asserit, quatto, & infra in duabus Ref. seqq. & in Ref. 94. §. 1. & in 10. 7. 11. 1. Ref. 259. §. 2.

§. 1. Aliqui respondent negatiuè, quia Gregorius XIII. qui concessit hoc privilegium Patribus Societatis Iesv, vetat expressè, vt alia Religiones possint in tali privilegio participare, etiam si habeant participationem privilegiorum dictæ Societatis. Et ita docet Perinus in *privileg. Minor.* tom. 1. *constit.* 12. *Sixti IV.* §. 11. num. 39. Suarez de *legibus*, lib. 8. *cap.* 17. num. 8. Miranda in *manuali Pralar.* tom. 1. *q.* 3. *art.* 4. Valquez in *3. part.* 103. *disp.* 246. c. 5. n. 50. a. Sed



